

SKIPULAGSSKRÁ

Vísinda- og tækjakaupasjóðs rannsóknarstofu í meltingarsjúkdómum, lyflækningadeild Landspítala.

1. gr.

Sjóðurinn heitir Vísinda- og tækjakaupasjóður Rannsóknarstofu í meltingarsjúkdómum, lyflækningadeild Landspítala. Heimili og varnarþing er í Reykjavík.

2. gr.

Stofnendur sjóðsins eru:

Bjarni Þjóðleifsson, kt. 290139-3849, yfirlæknir, Einar Oddsson, kt. 301243-3599, sérfræðingur og Hallgrímur Guðjónsson, kt. 130552-3239, sérfræðingur.

3. gr.

Stofnfé sjóðsins er 427.000 kr. og má ekki skerða það.

4. gr.

Stjórn sjóðsins skulu skipa 3 menn: 1) Yfirlæknir rannsóknarstofu í meltingarsjúkdómum og skal hann vera formaður. 2) Framkvæmdastjóri stjórnunarsviðs ríkisspítala eða sá sem gegnir samsvarandi stöðu verði sú staða lögð niður. 3) Sérfræðingur starfandi á rannsóknarstofunni, valinn af öðrum stjórnarmönnum til eins árs í senn. Meðan Einar Oddsson og Hallgrímur Guðjónsson starfa sem sérfræðingar á rannsóknarstofunni skulu þeir skipa sæti sérfræðings í stjórninni á víxl í eitt ár í senn.

5. gr.

Tilgangur sjóðsins er að efla rannsóknir á sviði meltingarsjúkdóma m.a. til endurmenntunar starfsfólks með tækjakaupum, rannsóknarstyrkjum og ferðastyrkjum. Ennfremur skal heimilt að greiða starfsfólki rannsóknarstofu í meltingarsjúkdómum umbun fyrir aðstoð við rannsóknarvinnu og vel unnin störf.

6. gr.

Tekjur sjóðsins skulu vera:

- 1) Tekjur af starfsemi rannsóknarstofu í meltingarsjúkdómum aðrar en þær sem koma frá sjúklingum eða Tryggingastofnun ríkisins.
- 2) Styrkur til stofnenda eða til rannsóknarstofu í meltingarsjúkdómum.
- 3) Vextir af inneign í sjóðnum.

7. gr.

Stjórn sjóðsins ákveður á hvern hátt hann skuli ávaxtaður og hvernig fé hans skuli varið í samræmi við 3. gr. Ráðstöfun fjármuna úr sjóðnum skal háð eftirliti og samþykki sjóðsstjórnar.

8. gr.

Sjóðsstjórn skal halda fundargerðarbók um ákvarðanir sínar og um hvaðeina er varðar rekstur sjóðsins. Stjórnunarkostnaður greiðist af tekjum sjóðsins. Einfaldur meirihluti stjórnar ræður ákvörðunum þó sbr. ákvæði 9. gr.

9. gr.

Reikningsár sjóðsins er almanaksárið. Reikningsskilum skal lokið fyrir 1. júlí næsta ár á eftir reikningsári. Reikningar skulu endurskoðaðir af löggiltum endurskoðanda.

10. gr.

Skipulagsskrá þessari má breyta ef það telst nauðsynlegt eða heppilegt vegna breyttra aðstæðna. Slíkar breytingar skulu hljóta samþykki dómsmálaráðuneytis. Engin breyting á skipulagsskránni fær þó gildi nema stjórnin sé einhuga um hana. Aldrei má breyta ákvæðum 3. greinar um tilgang sjóðsins né heldur ákvæðum 11. greinar um ráðstöfun eigna við sjóðsslit.

11. gr.

Verði sjóðurinn lagður niður, skulu eignir hans renna til tækjakaupa eða rannsóknarstarfsemi samkvæmt ákvörðun sjóðsstjórnar.

12. gr.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 29. desember 1993.

F. h. r.

Þorsteinn Geirsson.

Jón Thors.

GJALDSKRÁ

fyrir hundahald í Reykjavík á árinu 1994.

1. gr.

Árgjald vegna hundahalds, sbr. staflíð c. í 2. gr. samþykktar nr. 305/1989, um hundahald í lögsagnarumdæmi Reykjavíkur, skal vera kr. 9.600 á árinu 1994.

Gjaldið greiðist fyrirfram og óskipt fyrir allt tímabilið þó eigi síðar en á eindaga, sem er 1. mars 1994.

Dráttarvextir reiknast frá gjalddaga verði gjaldið eigi greitt í síðasta lagi á eindaga.

2. gr.

Handsömunargjald skv. 6. gr. samþykktar nr. 305/1989 skal vera kr. 7.000.

3. gr.

Ofangreind gjaldskrá borgarstjórnar Reykjavíkur staðfestist hér með skv. 22. gr. laga nr. 81/1988, um hollustuhætti og heilbrigðiseftirlit með ofangreindum gildistíma.

Heilbrigðis- og tryggingamálaráðuneytið, 23. desember 1993.

Guðmundur Árni Stefánsson.

Sólveig Guðmundsdóttir.